



24



UGOVOR o nabavci usluga prevoza radnika na posao i sa posla

KJKP Sarajevogas d.o.o., Sarajevo, Ul.Trg Fadile Odžaković Žute 4, Sarajevo
Koga zastupa: Direktor Preduzeća Mr.sc. Nihada Glamoč, dipl.ing.maš.,(u daljem tekstu: Kupac)

i

«Vildan Tours d.o.o.», Ul.Donji Hotonj 18, 71320 Vogošća, BiH
Koga zastupa: Direktor Vildana Šiljak ,(u daljem tekstu: Prodavac)

Član 1.

Predmet ovog Ugovora je nabavka usluga dvomjesečnog dnevnog prevoza radnika na posao i sa posla tokom mjeseca januara i februara 2017. godine, za potrebe kupca, po provedenom direktnom sporazumu nabavke broj: DS-05-07/17. Prodavac je dostavio ponudu broj: 12/31-2016 od 31.12.2016. godine, koja je sastavni dio ovog ugovora.

Član 2.

Ugovorna vrijednost usluga iz člana 1. ovog ugovora bez PDV-a iznosi: **5.880,00 KM (slovima: pethiljadaosamstotina osamdesetKM)**, a jedinične cijene su specificirane u ponudi prodavca koja čini sastavni dio ovog ugovora.

Član 3.

Prodavac će usluge iz člana 1. izvršavati autobusima sa najmanje 45 sjedišta na relaciji od Vijećnice preko Dogloda na Stupu do poslovno tehničkog kompleksa Kupca u Butilama. Polazak autobusa je ispred Vijećnice u 7⁰⁵ sati izjutra, a povratak u 16³⁰ sati po završetku radnog vremena sa Butila.

Član 4.

Obaveza Prodavca je da koristi autobuska stajališta gradskog prevoza. Prodavac je u obavezi da pravovremeno izvrši usluge prevoza radnika. Ukoliko usluga ne bude pravovremeno izvršena, te radnici Kupca ne stignu na vrijeme do poslovno-tehničkog kompleksa Butile, Prodavac je u obavezi da sve eventualno nastale štete nadoknadi Kupcu.

Član 5.

Prodavac će obračun izvršenih usluga vršiti po jediničnim cijenama iz priloga ovom Ugovoru. Kupac će plaćanje izvršenih usluga izvršiti nakon **45 dana** po prijemu uredno ispostavljene poreski ispravne fakture na transakcijski račun Prodavca navaden na fakturi.

Član 6.

Kupac i Prodavac se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom podrazumijevaju se slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorene strane, niti se objektivno mogu predvidjeti, a sprječavaju jednu ili obje ugovorene strane.

Član 7.

Prodavac usluga nije ovlašten da zaključuje podugovore sa drugim licima u cilju realizacije ugovornih obaveza bez predhodnog pismenog odobrenja kupca.

Član 8.

Ukoliko Kupac u ugovornom roku iz člana 5. ovog ugovora ne plati cijenu za izvršene usluge obavezan je Prodavcu isplatiti i zateznu kamatu u skladu sa zakonom i drugim propisima koji uređuju ovaj institut.

Član 9.

Ovaj ugovor se zaključuje na period od 2 (dva) mjeseca počev od dana potpisivanja istog. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu sa otkaznim rokom od 10 (deset) dana.



Član 10.

Ugovorne strane su saglasne da Prodavac neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani kao članovi ili stručna lica u Komisiji za nabavke nadležnoj za dodjelu navedenog ugovora o javnoj nabavci.

Ograničenja u smetnji iz stava 1. ovog člana traju 6 (šest) mjeseci od dana zaključivanja ugovora.

Član 11.

Na sve odnose i institute koji nisu navedeni u ugovoru, a pojave se prilikom realizacije, primjenjivaće se odgovarajuće odredbe Zakona o obligacionim odnosima.

Član 12.

Ovaj Ugovor stupa na snagu danom potpisivanja od strane obje ugovorene strane, a sačinjen je u 4 (četiri) istovjetna primjerka, od kojih svaka ugovorena strana zadržava po 2 (dva) primjerka.

Član 13.

Sve nesporazume do kojih dođe u realizaciji ovog Ugovora, a koji se ne mogu riješiti u duhu dobrih poslovnih odnosa, rješavaće nadležni sud u Sarajevu.

Za Prodavca:

Direktor

Vildana Šiljak

Broj ugovora: _____



Za Kupca:

Direktor Preduzeća

Mr.sc.Nihada Glamoč,dipl.ing.maš.

Izvršni direktor

Mr. Mehmed Mehović, dipl.oec.

Broj ugovora: _____



05/17

13-01-2017